

續修井陘志志卷三十四

雜職

元

耿鏞

皇慶中元氏令

耿元亨

解縣主簿

耿元貞

肥鄉尉

曹瑞

武安主簿

高榮祖

陽主簿

王從正

邢臺王村鎮巡檢

捐職

盧鑾

廩貢清苑訓導

王賜

廩貢豐潤訓導

馬敦紀

廩貢歷署教諭訓導十次

張士進

廩貢滄州訓導

盧一章

廩貢歷署鹽山內邱訓導

李育英

廩貢江西撫州府經歷因在籍團防出力蒙督憲官咨給六品頂戴

蔡良

廩貢歷署柏鄉高陽訓導萬全鷄澤教諭因在籍團防出力蒙督憲官咨給六品頂戴

馬印文

增貢兵部武庫司主事

馬貢珍
按察司
照磨

續修井陘縣志卷三十五

人瑞

賈開祥

武生年七十八歲子三長旺岐次旺懋生三旺昇武生孫六人曾孫十人元孫一人忠誠傳家農桑務

本一門聚順五世其昌其父賈珍享年六十歲親見曾孫其祖賈洪福享年八十六歲親見孫孫曾孫五世同堂匾額以褒揚之開祥又復築葉鍾祥後主簿映前選江西撫州府經歷李青英據實稟明知縣常黃批准詳請旌表

續修井陘縣志卷三十六

藝文

募修白石城嶺路引

張

鉞平定
州人

自平定至獲鹿二百餘里皆古所謂井陘道也而其最險者爲井陘口史淮陰侯將下趙趙王歇及成安君聚兵井陘口信未至井陘口夜半傳發令人軋山入趙壁隨爲背水陣平旦建旗鼓出井陘口註云綿蔓水由并州入井陘界趙壁在恒州鹿泉縣又云并州石艾縣陘東十八里爲井陘口按石艾隸今平定去獲鹿遠甚焉得半夜遂至其

地爾時陘隸石艾故註云爾其實陘卽今之井陘縣背水陣卽今之井陘河而所謂井陘口者卽今日石城嶺也嶺上有白面將軍廟相傳爲趙守口將戰沒嶺之得名或以此穆天子傳至於陘山之隧升於三道之磴註云常山石邑縣西有陘山所謂磴者亦指此嶺而言嶺勢陡健廣武君言車不得方軌騎不得成列亦止形其隘尙未形其峻也惟杜老之車箱入谷無歸路箭箠通天有一門庶幾似之矣方今車書一統西域之納貢

京師者相屬於道而燕趙秦晉之客之東西行者亦絡繹不

絕久矣履險如夷無險不平矣顧城軌易深峻坂日摧每
當聯輶結絆之時輪鐵蹄甲與嶺石相摩聲若奔雷響應
山谷石之疑者泐僵者起覺羊蹄鹿盤鳥道蠶叢尙無其
險峻也庚午冬鉞經過此嶺見有西車十輛竟覆其九其
一役夫數十人舁而過蓋幾於束馬懸車而後得越焉方
是時行者觀者無不傷歎奮欲出資修砌苦無承辦之人
鉞心惻然以募修爲已任今將舍恒業馳驅燕趙郊遍祈
同心以襄義舉敢竭愚公移山之力庶以舒王陽返轡之
懷惟願功成不日人樂過臻化危險爲坦途慶蕩平於

盛世鉞仍將樂輸諸君子姓名刊諸石以垂不朽云

平定州東路修治石道碑

那彥成

畿輔西南達川陝與新疆之路必取道於平定州州則環境皆山崎嶇少平坦東路白石嶺土人呼爲東天門蓋以西路有所謂南天門者遙遙對峙號天險往來車馬艱於行卽古井陘口也地雖近平定實隸井陘舊有石道袤亘於山涯仄徑之間久殘毀坎坷特甚行者不免覆車瘖馬惴惴焉視爲畏途有義士張鉞者平定人也倡議募修時州刺史吳君安祖方督脩西路工竣聞東路有此舉亟獎

成之顧費錢不貲皆由募致不假民間絲毫力越數年工
始就自嶺而東剗削梗塞以巨石甃砌堅整若碁局然附
近百餘里內外凡犖確難行處一一平治罔弗整且堅於
是向之崩崖不于者今且嘖嘖稱利濟頌康莊矣先是辛
未之秋余以述職西還秦隴出是道晤吳君述及脩治策
別後相隔久亦不復記憶今年春調任畿輔由豫北來路
未出平定吳君乃郵函述余前言以工竣告且請爲誌其
事噫吳君其可謂信人矣哉或曰是役也地隸井陘而功
歸平定奈相形何余笑應之曰此楚亭之所以致悅於梁

亭也夫

國家車書一統有分界無分民通衢達路天下共由非一家
一邑所得私井陘本瘠區旣無好義有力如張鉞其人者
而吳君獨能脩其政化其民不分畛域成義舉天下之善
一也何闇焉且余以一言而幸觀厥成從茲西南孔道遵
蕩平而歸會極胥於是乎賴其事不可以不誌爰書而歸
之獎義且爲行者幸也是爲記

分修長岡路碑記

張鉞

白石嶺西十里地名長岡俗名南河頭崗西里許爲石圪

疊皆陁山之麓也路僅可容車歲久軌深石與車搏最爲
陂陀又渝水齧其旁控御稍疎遂顛覆厓下行李咸苦之
鉞旣疏通吾郡閭王臺路後急移工修砌此地南河頭開
寬一丈八尺長一百八十丈石圪疊開寬一丈八尺至二
丈路之狹處契買地基一段開入道內鑿深三尺長一百
一十丈外均約石闌一如修閭王臺式工費具載白石嶺
碑記中茲不贅

鳳凰嶺龍岡寺施茶碑記

霍鵬

大明萬曆夏四月霍子與從弟聞野季父石峯北游陁山

道出鳳凰之嶺相與四望嘆曰佳哉此嶺縈青繚白突然
亘於太行恒岳之間昔人稱鳳凰集其上信不誣也有僧
性欽延之無梁殿中捧茶以進曰嶺當燕晉孔道故無水
行者多病渴自嘉靖時直鸞施茶隆慶時如賢施茶今萬
厯時某又施茶且碑已磨矣願大夫記其事霍子蹶然笑
曰予今而後知茶之可以演法也夫施茶者安爐種火運
水搬茶拄鳩杖而乞錢向厓堂而煮茗左執杓右執甌終
日俟客於山門之外而不得一坐禪關汝僧以爲法耶性
欽俛首對曰此正僧之苦行也霍子曰假如天以地爲爐

以河漢爲水以日星爲火以山林樹木爲茶操北斗之杓
貯南海之甌使夸父不至棄杖曹軍不假望梅天下人皆
藉以除煩惱而生智慧汝僧以爲法果耶性欽揚眉對曰
此又僧他日之樂境而愧未能也霍子曰施茶以財施法
以心故煎茶供客終日執甌杓而俟於山門者結緣者也
假天地以爲茶而施於不可必得之人者驚虛者也結緣
者咨驚虛者妄均之乎於正道遠矣故禪家以四大爲爐
以三昧爲火以四智爲水以釋迦彌勒諸佛爲茶明慧心
於鑪鼎見真性於盆盂煎茶盡亦無煎茶盡施眾生盡亦

無施衆生盡然後揭日星而倒河漢抱北斗而吞南海此
所謂舉慧能之衣鉢傳達磨之心印而可與入不二法門
哉故曰予今而後知茶之可以演法也性欽五體投地而
再謝曰某初以大夫爲得孔氏家法今兼明釋氏之法矣
於是石峯公命聞野書於碑以爲記

遷修文廟記

劉源

蓋聞天下得其常祀者鮮矣惟吾 夫子祖述堯舜憲章
文武修五帝之教爰倫攸叙研羣經之奧庶事惟明故得
京府州縣皆有廟雖陞之臺爾豈敢廢其常祀乎昔城之